


## ЗИЁ МАСКАНИГА БАҒИШЛАНГАН УМР



**Феруза Қосимбекова,**  
Тошкент давлат  
техника университети  
Ахборот-ресурс  
маркази директор  
ўринбосари

1986 йилда кўп  
йиллик самарали  
меҳнати учун  
Татьяна  
Сотникова  
«Меҳнат  
фахрийси»  
медали,  
1989 йилда  
Ўзбекистон  
Республикасида  
«Хизмат кўрсатган  
Маданият ходими»  
фахрий унвони  
билан  
тақдирланди

Китобни кўп ўқиган ва унинг қадрига етган инсонларнинг барча ахлоқий хислатлари эзуликка хизмат қилиб келган. Негаки, китоблар гоё ва билимларни сақлаш, тарқатиш воситаси сифатида инсон тафаккурини чархлайди, билимини акс эттиради.

Республикамызда кутубхонашуносликни ривожлантириш соҳасида таниқли мутахассислар кам эмас. Ўз касбига фидойи инсонлардан бири Сотникова Татьяна Васильевна шуларни сарасига қиради десак муболаға бўлмади.

Татьяна Васильевна кутубхонадаги 60 йиллик фаолияти давомида узоқ иш тажрибаси, ўз ишига садоқати, ҳалол меҳнати орқали, ҳамкасб ва шогирдлари орасида катта обрў ва ҳурмат қозонган. Кутубхона иши соҳасида босқичма-босқич оддий кутубхоначидан то директор лавозимигача фаолият юритган.

Татьяна Васильева 1938 йил 6 ноябрда Россия Федерациясида таваллуд топган 1958–1963 йилларда Н.К. Крупская номидаи Ленинград давлат кутубхоначилиқ инс-

титутини сиртқи бўлимини илмий-оммабоп кутубхоналарнинг кутубхоначиси ва библиографи мутахассислигини тамомлаган. Ўз фаолиятини 1956 йилда ТошПИ кутубхонасида кутубхоначи лавозимидан бошлаган. Шижоатли ёш мутахассис ўз устида кўп ишлади.

1960–1969 йилларда бош кутубхоначи лавозимида, 1969–1975 йилларда Библиография бўлими бошлиғи, 1975–1985 йилларда Илмий-ахборот библиография бўлими бошлиғи, 1985–1992 йилларда кутубхона директор муовини лавозимида ишлаган.

1986 йилда кўп йиллик самарали меҳнати учун Т.Сотникова «Меҳнат фахрийси» медали, 1989 йилда Ўзбекистон Республикасида хизмат кўрсатган «Маданият ходими» фахрий унвони билан тақдирланди. Шу йилларда Татьяна Васильевна талабаларга хизмат кўрсатувчи ходимлар учун ўтказилган илмий-амалий семинарларда «Кутубхонашунослик ва библиография, информатикага кириш» мавзусида маърузалар ўқиди. Кутубхонадаги иш жараёнларини ўргатиш, билимларни мустаҳкамлаш, ходимларни зукко бўлиши учун, кутубхонанинг асосий бўлимларини иши тўғрисида ички дастурни ишлаб чиқиб, «Ёш кутубхоначилар мактаби»га асос солди. Кутубхонага янги келган ходимларни, ишлаган ёш мутахассис кутубхоначиларни малакасини ошириш бўйича «Ёш кутубхоначилар мактаби»да машғулотлар бевосита ҳар бир бўлимда, унинг иш мазмунини очиб берувчи амалий ва назарий машғулотлар билан олиб борилди.

Кутубхона соҳасини таниқли мутахассиси, меҳнатсевар, сабрли, талабчан Татьяна Васильевна Тошкент давлат техника университети Ахборот-ресурс маркази ишига улкан ҳисса қўшди.

1996 йилдан бошлаб кутубхона ишида ва китобхонлар билан ишлаш жараёнида компь-





ютер технологияларидан фойдаланишга катта аҳамият берди. 1992–2000 йилларда АРМ фаолиятини бошқаришда, унга раҳбарлик қилишда Ўзбекистон республикасида хизмат кўрсатган маданият ходими, кутубхона директори Т.Сотникованинг ўрни беқиёсдир. Ходимларни малакасини ошириш, компьютер саводхонлигини мустаҳкамлаш, кутубхона ишини автоматлаштиришга эътибор қаратишда устознинг хиссаси катта. Кутубхона ИРБИС дастури билан таъминланган бўлиб, кутубхоначилар иш жараёнида дастурнинг ҳамма автоматлаштирилган иш жойидан фойдаланиши йўлга қўйилди ва АРМ ўз локал тармоғига эга бўлди.

Т.Сотникова конференция ва семинарларда фаол иштирокчиси. У 1999 йил июнь ойида Кримнинг Судак шаҳрида VI халқаро «Қрим–99» – «Библиотеки и ассоциации в меняющемся мире: новые технологии и новые формы сотрудничества» конференцияси ишида иштирок этиб, хорижий мутахассислар билан тажриба алмашди.

1999 йилнинг 10–16 октябрда Самарқандда бўлиб ўтган «Central Asia–1999» хал-

қаро анжуманнинг ташкиллаштириш қўмитаси аъзоси ва ТДТУ АРМ томонидан бир гуруҳ ходимларга раҳбар сифатида қатнашган.

Конференцияда «Опыт внедрения компьютерных технологий и проблемы вузовских библиотек» мавзусида маъруза қилган.

1999 йил ноябрь ойида Москва шаҳрида ўтказилган «Компьютеры и Интернет в библиотеках» мавзусидаги конференция иштирокчиси бўлган.

Ўзбекистон Миллий кутубхонасида ўтказилган «Бетгер ўқишлари» семинарларида турли мавзудаги маърузалари билан қатнашган.

Татьяна Васильевна 1998 йилдан бошлаб республикада кутубхонашуносликка оид бир қанча меъёрий ва ҳуқуқий ҳужжатлар тайёрлаш иши гуруҳининг аъзоси сифатида қўшган ҳиссаларини айтиб ўтиш ҳам жоиздир. 2011 йилда Ўзбекистон Республикасининг «Ахборот-кутубхона фаолияти тўғрисида»ги қонун лойиҳасини тайёрлашда ва кутубхонашуносликка оид бошқа муҳим ҳужжатларни ишлаб чиқишда фаол қатнашган.

ТДТУ АРМ равнақиға хисса қўшиб келган Т.Сотникова кейинги йилларда электрон каталогнинг «Диссертации магистров» маълумот базасини библиографик ёзувлар билан тўлдириш ишларини олиб борди. Фан блоклари бўйича ИРБИС дастурининг «Дарсликлар билан таъминлаш» маълумотлар базасига янги олинган дарслик ва ўқув қўлланмаларни ихтисосликлар бўйича тақсимлаш ишларини олиб борди ва шу мавзу бўйича шогирдлар тайёрлади.

Албатта, ҳар қандай касбнинг ўз машаққати ва синовли кунлари бўлади. Шу синовлардан шижоат ва меҳнати билан ўтган инсонларгина меҳнатдан қониқиш ҳосил қилиб, ўз касбида муваффақиятларга эришади. Татьяна Васильевна ҳам худди шундай ўз касбидан бахт ва зафарлар топган кутубхоначидир.

Татьяна Сотникова Кутубхонадаги иш жараёнларини ўргатиш, билимларни мустаҳкамлаш, ходимларни зукко бўлиши учун, кутубхонанинг асосий бўлимларини иши тўғрисида ички дастурни ишлаб чиқиб, «Ёш кутубхоначилар мактаби»га асос солди

**Феруза Косимбекова, заместитель директора информационно-библиотечного центра Ташкентского Государственного Технического Университета имени Ислама Каримова.**

*В статье автор пишет о своём наставнике Сотниковой Татьяне Васильевне, Заслуженном работнике культуры Узбекистана, которая проработала около шестидесяти лет в библиотеке и посвятила свою деятельность библиотечному делу. В своей профессиональной деятельности она участвовала в создании десятков методических пособий для библиотечных специалистов. Татьяна Васильевна организовала клуб «Молодых библиотекарей» и передала свой богатый опыт молодому поколению. В начале девяностых годов она являлась одним из инициаторов автоматизации информационно-ресурсного центра ТашГТУ и освоения программного обеспечения ИРБИС.* ■